

DEKRETUA NAFARROAN INDARREAN EZ EZARTZEKO ESKATU DIOTE ALDERDI GUZTIEK SANZEN GOBERNUARI

# Nafarroako Parlamentuak aho batez gaitzetsi du 'Medikamentazo'-a

Nafarroako Parlamentuko alderdiek aho batez gaitzetsi dute Madrilgo Gobernuaren Medikamentazo-a. Zenbait botika finantzazio publikotik at uztearen erabakiak «interes ekonomikoei baino erantzuten ez diela eta», dekretua Nafarroan indarrean ez ezartzeko eskatu dio Parlamentuak UPNren Gobernuari.

Mikel Reparaz / Iruñea

ATZO aho batez hartutako erabakiaren arabera, Nafarroako Parlamentuak erabat arbuiatzen du Aznarren Gobernuak ia 900 botika finantzazio publikotik kanpo uzteko hartu duen erabakia, «finean interes ekonomikoari baino ez baitio erantzuten erabaki horrek». Horrezaz gain, Parlamentuak UPNren Gobernuari eskatu dio Medikamentazo-a Nafarroan indarrean ez jartzeko.

UPN alderdiak baieztatu bota eman zion atzo gainontzeko taldeek Osasun Batzordean aurkeztu zuten mozio bateratuari, eta ondorioz aho batez arbuiatu du Nafarroako Parlamentuak dekretua. UPNk, hala ere, ez zuen mozioa izenpetu. Izan ere, hasiera batean funtsean gauza bera planteatzen zuten lau mozio ziren eztabaidatzekoak Batzordean: CDNk aurkeztutakoa, Talde Mistoko Nirena, Ezker Abertzalea taldearena eta IUk eta PSNk batera izenpetutakoa. UPN taldeak NIK aurkeztutakoa baino ez zuen onartu hasiera batean; orduan, EAKo Fermin Ziaurrirek hala eskatuta, mozio bateratua erredaktatu zuten CDN, IU, PSN, HB, EA eta NI alderdiek.

Parlamentuko Osasun Batzordeak bi argudio azaldu zituen atzo, Miguel Sanzen Gobernuari Medikamentazo-a gaitzesteko egin zion deialdian. Alde batetik, dekretuaren oinarriak dagoen planteamentua okerra da, gizarte eskaintzak eta osasun zerbitzuen kalitatearen kaltetan, aurrezpen ekonomikoari begiratzen baitio

soilik. Bestetik, Parlamentuak dekretuaren forma gaitzetsi du: «ezin onartzen ahal dugu, aurrez ez baita kontsultarik izan Nafarroan, eta foru-legedia aldatzen baitu».

Atzo onartutako mozioaren baitan, Nafarroako Gobernuak Madrilgo Gobernuari deialdia egin beharko lioke, Sistema Publikoak finantzatzeko botikak lortzeko bideak are zailago jar ez ditzan.

**Sanzen Gobernuaren erabakiaren zain** • Parlamentuaren deialdia aho batez egin dela eta, alderdi guztiek adierazi dute Miguel Sanzen Gobernuak talde guztien arteko akordioa bete beharko duela orain. Hala ere, alderdi guztiek ez dute erabateko konfiantza erakutsi Gobernuarengan. EAKo parlamentario Fermin Ziaurrirek ikuspuntu kritikoa azaldu zuen atzoko mozioaren aurrean: «Erabaki hau asmo hutsean gelditu ez dadin, bete egin beharko du orain UPNk onartu berri duen mozioak dioena».

UPNren aldetik, Alberto Catalan parlamentarioa PSN taldeari mintzatu zitzaion. Catalanen ustetan, ez da onargarria sozialistak bigarren Medikamentazo honekin asaldaturik ibiltzea, lehen aldiz antzeko dekretu bat onartu zenean PSOE baitzegoen agintean: «Non zineten duela 5 urte 800 bat botika finantzazio publikotik at gelditu zirenean?», galdetu zien Catalanek sozialistek.

Iuko Ion Erro eta Herri Batasunako Xanti Kiroga bat etorri ziren atzo Madrilgo Gobernuaren iriz-



## Manifestazio jendetsuak Bilbon eta Iruñean

Osasun Publikoaren Aldeko Plataformak deituta, Madrilgo Gobernuak agindutako medikamentazo-aren kontra manifestazio jendetsuak egin ziren atzo Bilbon eta Iruñean, estatuko beste hamabost hiritan bezala. Bizkaiko hiriburuan 3.000 lagun inguru bildu ziren, gehienak helduak, *murrizketen aurka, no al medicamentazo* zioen pankartaren atzean. Manifestazioaren buruan, Josu Frade UGTko ordezkaria, Santi Bengoa CCOOkoa eta Nicolas Redonodo Terreros PSE-EEko lehendakaria zeuden, gizarte erakundeetako ordezkari ugariarekin batera. Iruñean, berriz, 1.500-2.000 lagun inguru bildu ziren manifestazioan, Udaltzaingoa emandako datuen arabera. Autobus geltokitik hasi eta Gaztelu enparantzara bitarteko bidea egin zuten guztiek botikak gizarte segurantzatik kanpo uztearen kontra.

pide «neoliberal eta ekonomizistak» salatzerakoan. Kirogaren ustez, «Medikamentazo-ak gizarteko ahulenei egiten die kalte, eta hori dela-eta salagarria da». Ion Errok, bere aldetik, atzoko akordioaren garrantzia azpimarratu zuen, «oso aurrekari inportantea baita, etorkizunari begira».



## GOBELA IKASTOLA HERRI IKASTETXEA

Goiherri 14-NEGURI-GETXO Tlf:4600803

### 98-99 ikasturterako matrikula zabalik

- Kalitatezko irakaskintza euskalduna. D eredua
- Bi urteko umeen gela
- Haur eta Lehen Hezkuntza (2 urtetik 12 urtera)
- Ingelera Haur Hezkuntzatik hasita
- Etengabeko formakuntzan diharduen irakasleak
- Garraio subentzionatua
- Jantoki eta sukaldea, Ikastolan prestaturiko bazkariak.
- Ekintza osagarriak eta Eskolaz kanpokoak
- Irteera ekologikoak
- Barnetegiako egonaldiak.
- Igeriketa Ikastaroak
- Antzerki ikastaroak
- Kirol saioak

## Ministroa kontsentsua lortzeko prest da

JOSE MANUEL ROMAY Espainiako Gobernuako Osasun ministroak atzo azaldu zuenez, prest dago osasun eskuduntzak dituzten erkidego autonomoetako adituekin Gizarte Segurantzatik kanpo utzi beharreko botiken zerrenda. Atzo, ministroa hainbat erkidego autonomoko osasun sailburuekin bildu zen eta denei mezu bera eman zien: prest dagoela kontsentsua bilatzeko, baina ez zerotik iritenda, baizik eta jadanik eza-guna den proposametik, alegia, II. Medikamentazotik.

Jose Manuel Romay Beccaria kexu agertu

zen atzo Espainiako eta Hego Euskal Herriko hainbat hiritan egin ziren manifestazioak direla-eta, eta inolaz ere ez daudela justifikatuak esan zuen. Ospitaleko Medikuen I. Kongresu Nazionalaren irekiera ekitaldiaren ondoren azaldu zuenez, «egiten ari garen guztia Osasun Sistema Nazionala hobetzeko asmoz ari gara egiten».

Romayren ustez, zerrenda asko landu dute, baina onartu zuen hainbat aldaketa izan daitezkeela teknikoekin aztertu ondoren. Ministroaren esanetan, neurriaren asmoa da boti-

ken erabilera arrazionalizatzea, eta «zerbitzu farmazeutiko ona ematea, inori ez baitzaio ezer ere faltako».

Romay nabarmendu zuen Espainian botika gastua oso handia dela Europako beste herrialde batzuekin konparatuz gero, eta ziurtatu zuen aurrezten den dirua osasun hobekuntzak egiteko erabiliko dela.

Javier Trias Kataluniako Generalitateko Lehendakariaren gogor kritikatu zituen manifestazioak, eta «manipulazio hutsa» direla esan zuen. Haren irudiko,

«harrigarria» da aurreko medikamentazoa egin zutenek orain oposizioaren buru izatea.

«Herrialdea ez da heldua, eta iruditzen zaigu denak balio duela. Asko kostatzen da osasungintza on bat lortzea; oso ona dugu, eta tristea da interes partidistengatik horrelako irudi faltsua ematea».

Bitartean, PSOEk berriz eskatu zion Gobernuari bertan behera utz dezala dekretua, eta gizarte eztabaidak ireki dezala adituekin, erkidego autonomekin, gizarte taldeak eta erabiltzaileak, kontsentsua lortze aldera. X